

哀哉上留田年上留田將何使夫心平平爰議養子
安大靈倍分嗣子安先夫俾爾如同骨肉然子孫世
世情毋遠爾母同室操戈鋌嗚呼哀哉上留田解上
留田守爾陌兮安爾阡生子生孫年復年須眉而難
變遠爾心各各庶勗旃毋使爾心如面然嗚呼哀哉
上留田解

水之志

六斗武宗已午月二十子

上田田

變對爾心台各類時時我對爾心

百田名爾田台交爾所生千本絲半與五餘自

世前每對爾每同室無父娘無和身姑上留田

或天靈對台歸千世法夫對爾時同骨肉然不

系若上留田一上留田無何對夫心平平更羞養千

六

送

憶大女

坐對春光好，憐兒念轉深。
只緣多婉弱，故使倍關心。
既荷喬松托，何愁惡木侵。
會逢天相爾，休學勃谿音。

馬鞍山人詩草

觀

函

溫河

夜吟達曙作

嗟嗟雞聲三唱歌東方欲白還未白
仰看疎星尚滿天霜飛乍迸春寒迫
俄頃羲和鞭日車熊熊煖氣生
衣裾呼兒徑外拾殘葉吟成坐帶濕痕書

夜中聞風

竹樹蕭蕭夜有風燈寒閃閃不能紅
宿醒已醒孤吟迥微雨初過短夢空
漫道吹噓析造化何知開落怨西東
此心早悟榮通理但試煎茶第一功

夜寒偶作

夜靜寒聊賴遊春夢懶通本無經俗念
惟有課詩功



伯虎狂何敢元龍臥或同蕭然踰不惑誰畏可憐蟲

雨望

淒淒風色冷萬壑雨中迷徑遠多春水塗荒半野泥
鶯將花共老草與柳俱齊不信顏雲重山樓壓欲低

雨中

萬壑霧全吞千山畫似昏春深楊柳渡雨冷杏花村
擁火偏多夢違人自少喧笑他苔蘚色綠徧野夫門

雨夜

霧重透山根濛濛月隱村好花迷笑靨殘夢亂愁痕
石冷猶侵坐壺香正待殮却看窗外草生意向誰論

小園即景

紅樹陰濃叶伯勞小園春色滿蓬蒿三竿竹長貓頭
筍兩袖花分鳳尾袍山外水同高士潔酒中臣是謫
仙豪何須別構聽松閣盡日天風臥海濤

登樓感詠

斗酒隻鷄心事違一樓山色又斜暉義輪恨比飈輪
速催得霜華上鬢飛

題閩人謝淞詩後

寒宵落寞詠君詩滿腹牢愁我獨知渾似啼猿在三
峽哀聲淒斷九秋枝

磊落哀成斫地歌愛君才調奈君何須知此氣清難
得應悔人間占慧多

廉吏兒孫缺枉彈無錢誰爲買青山才高曾自成千
古莫怨天公與命慳

楚尾吳頭道長年何堪遽作玉樓仙勸君好去歸兜
率更莫重生色界天

春興

莫謂春來緩梅花信未更寒猶將柳勒凍已放舟行
夢逐燒痕淺愁隨茗飲清雙柑吾自足不必定聽鶯

春望

靜挹南山爽悠然挂頰頻危巖真似豹獨樹遠疑人
萬竅空生籟群花暗待春尚言勁松節歲老作龍鱗

蚤起卽事

野鳥鄰鷄相續啼紗窗曙色帶烟迷山人蚤起渾無
事戲折蕉心把白題

春霽

繞閣蓬蓬霽景鮮春風煖釀百花前長堤碧染燒痕
淺遠水紅拖夕照偏浩劫人皆迷蜃氣狂飈我獨怯
鷗天無能勅自追桑者洩洩躬耕十畝田

夜坐哀悼大亡兒學禮

永夜恨蹉跎悲兒涕泗多愁難隨夢斷墨易把人磨
歲積心無那魂銷命奈何可憐天地大何爾獨偏頗

小園即景

小園花亂飛偏與寸心違夜月頻勞夢春風獨掩扉
啼鶯知有花去雁欲何依坐恨垂楊老無能繫落暉

花魂

月地雲堦總斷腸却從何處辨奇香春風黯黯銷楊
柳暮雨依依殢海棠那禁飛揚鶯浪蝶誰憐掩冉夢
橫塘依然倩女亭亭在好趁朝霞返帝鄉

蝶影

一曲英臺怨莫償
教人對影恐昏黃
飛迴柳外迷春夢
舞向花中亂夕陽
幾度上堦憐掩映
無端穿徑憶悠颺
東風自榻滕王本
惹得針神欲斷腸

春雨

舊屋枕山根
山雲入戶昏
半春暝聽雨
終日坐忘言
花老盡結子
水生初到門
不禁寒料峭
時賴嫩裘溫

春晴雜興

習習風吹滿徑和
園添逸趣鳥頻歌
晴光着樹花齊蕊
淑氣銷冰水始波
往跡盡如春夢幻
斜陽空對亂山多
醺醺累月拚中聖
不復三蕉似老坡

天慵

天慵吾自縱一任歲侵尋翠繞山重疊清瑤水淺深
松風吹靜夢谷鳥答幽吟本是忘機者何勞別用心

春寒漫成

春來衣着最難調一日晴暄一日寒滿眼濛濛飛細
雨連江漠漠長新潮宿雲遠引山心迴啼鳥時催午
夢闌坐愛穠華放桃李悶懷儘入酒中消轆轤格

春陰即事

黯黯濃雲帶遠岑毛空雨斷變輕陰春愁不共江湖
長道意如隨水木深菜把暗添蒼翠色松柯寒結鬱

107
盤心不知何處茅簷外
隱隱烟花惹客尋

春寒

一夜長風撼碧檐
春寒依舊似冬嚴
花邊不獨年逢
閨雪未何妨
韻擬鹽新酒
缸凝中更澆
敝裘縫綻線
頻添非關作
圍爐會日戀
甜鄉比蔗鄉甜

春夜雨中感懷

寂寂東風靜掩門
濛濛細雨冷黃昏
桃花滿樹春無
語
月色連雲夜有痕
地迴悠悠徒結夢
燈孤的的欲
銷魂
琴心一曲知何似
只得千秋犢鼻禪

春日山居

書從在聽讀田餘任健耕須知天地大無物不時行

楊柳枝

古曲新翻楊柳枝才華何必定溫岐三錢替管鷄毛
筆寫徧春風婉轉絲

疏地柔枝蘸綠波蓬蓬春滿影婆娑杜陵常曲空無
賴那及伊家本色多

一代風流鬱莫伸狂歌觸手自生春堪憐若染青青

汁不為桃花作主人

唐六如自號桃花主人明時放廢落拓狂歌跡其生平蓋百用才也

和風習習起青蘋到處鵝黃照眼新為語東君深護
惜濃陰待陰往來人

二月山城雨過時
春風吹徹綠參差
怪他老鐵絲何

事偏愛西湖謔竹枝

窗外齊垂旭

日初唐薛能

官商得似六么無

六么水調家家

唱白香山詠楊柳枝首句也又薛能自題楊柳枝詞後云劉白二尚書所作官商不高云云

吾雖不識聲高下也笑將軍意氣粗誰見將軍心似

不詠錢塘使館娃詩人竟亦重繁華可憐彭澤先生

柳何似河陽滿縣花

碧絮濛濛入望迷錦帆空說隋家堤黃鶯去自多情

甚日向高枝盡意啼

姹魄媽魂不可招懷人獨上赤闌橋遊絲似恐春光

急管住長條復短條

日落河橋裊暮煙玉簫聲斷杏花天相思休復凝妝
望依舊銷魂似去年

三起三眠恨不禁千絲萬緒亂春深纏綿枉盡同心
結那繫飄流蕩子心

萬縷依依翠接天靈和曾惹御爐烟只今誰復憐張
緒空結春心惜少年

婷婷孌孌復娉娉目極春風長短亭莫道繞城花富
貴怎能比得柳常青

斗酒隻柑是處佳聽鶯隨意引朋儕何須遠學張京

兆走徧章臺六六街

桂樹淮南憶八公王孫去後草蒙茸楊枝若是當招

隱不待新腔曲再終

婀娜腰肢鬥小蠻風流端合伴香山當年若使王郎

見桃葉桃根亦等閑

似水年華不可留對君無計避春愁三生好悟樊南

句莫到蟬聲始覺秋

風絲露葉擅春華如護橋西小隱家誰信嫩黃深碧

裡不藏鸚鵡不藏鴉

春水船回事渺茫曉烟殘月夢橫塘此心老去如泥

絮真欲東風憾盡狂

雨外千村與萬村春歸處處長
新痕平生自悔鍾情甚不聽陽關亦斷魂

城外春風漾酒旗春光澹
池滿楊枝垂垂自勝梅花
好不怕高樓玉笛吹

盡日輕颺捲麴塵遠村遙岸寄情新
憑誰為報離鄉客如此流光不待人

唱斷蜂雄蛺蝶雌殘紅歷亂滿花枝
堂堂萬里春如許不屬垂楊屬阿誰

寥情爭得不多情拂面綦裾解送迎
拚費丈離居士

墨

宋蘇澥能造墨自號支離居士

為君坐訂短長聲

感牡丹

春光浩蕩牡丹遲
獨坐悲涼詠小詩
真箇此花雖富貴
果無人看未開時

春雨偶作

頓訝連朝燠風癡
變怒號書雷催雨暗
春日隔雲高翠微
茶登焙痕添水沒
篙依然寒氣峭
尚未卸綿衣

寒食戲作

不學任公釣六鰲
萬花深處恣遊遨
禁煙故事虛寒食
槐葉家風足冷淘
尚論介休情本矯
遙追坡老意

終豪此心莫笑如柳大欲築糟邱比屋高

春望

悵望深春白袷衣汀烟冉冉送斜暉蘋溪水漲鴉初
浴杏棟泥寒燕未歸長笛乍吹龍夢被落花時趁馬
蹄飛雲昏欲釀前山雨復變濃陰暗四圍

舍北遣興

夢斷浮生事事非此心原早息塵機十年樹愛桐陰
長千頃田歡豆莢肥雨久莓苔綠榻滿寒多蝴蝶上
堦稀濁醪似恐人無那故潑新痕染白衣

春遊

畫日遲遲遂野遊春風吹我過河洲
波迴荇亂新魚戲塢冷花深宿蝶留
到處茶分松火焙誰家笋越石
牆抽蒼然極目饒詩興只恐奚囊小莫秋

春曉即景

好夢斷幽禽凭欄愜賞心曙光浮水遠春氣入花深
市鬧江魚上山晴石燕沉秧田青不極待揀快朋簪

懷人

擁絮寒無那懷人酒不任夢中迷路遠愁外悵春深
綠草自隨意黃鸝空好音獨憐花上月圓缺總相尋

有憶

坐對梨花雨迢迢憶故人青山應獨往白鳥會相親
興豈殊前日吟還續去春如何醒時路亦似昧由旬
花下對酒有感鮑秋園表兄

暮虛宿草恨茫茫醉向花中感酒狂維昔相逢忘主
客祇今永別判存亡知音枉數生前約好事空鈔肘
後方照水不堪顏鬢換悲君悲己總荒唐

過上卷溪橋有感王清夫先生

惜昔清夫寓硯時頻來橋上共尋詩只今橋在人何
在回首斜陽獨度遲

春寒遣懷

吳綿未拆畏春寒。風雨茫茫意萬端。病外方知無疾
樂愁中始信不憂難。北山社會孤茶笋，南浦烟波負
芷蘭。到應蓬壺在何處，雲飛歛忽那呼鸞。

晚晴到酒

微雲歛雨魚尾紅。夕陽在山山氣空。松栝深隱石門
路。蛟龍遠歸河伯宮。乳燕鳴鳩盡春色，園花野草俱
化工。當晴得酒且徑醉，何暇碩碩分窮通。

春山戲筆

忘身忘世并忘年。住慣深山意自便。兩部蛙分名士
吹三竿日照懶人眠。莊生道在平爲福，李老丹成跛

亦仙不悔不材無所用焚香惟祝子多賢

春山月夜

雨斂衆山靜軒開塵慮無春風開遠暈夜月織蜘蛛
小焙茶香熟新嘗豆味腴鄰翁應未卧命酒隔籬呼

積雨偶述三言

春將去魂欲銷况積雨下連宵黃梅候白袷朝雲拖
絮霧幕綃容黯黯響瀟瀟海蒸氣江漲潮船到屋水
平橋泥滑滑竹蕭蕭人不至意無聊孤凭望獨坐謠
茶三椀酒一瓢笑蝴蝶憐鷓鴣是非遺磊塊澆身何
有仙可招蒼龍瑟白虎秋飛瓊管弄玉簫判酌酹恣

逍遙更花面還鄉腰鐘聲引野色邀鸛鶴舞鶯鶯翹
啼鶯緩濕燕嬌醉鄉濶甘澤饒小天地大焦僥詩難
寫畫那描且樂樂休焦焦足蝦菜適漁樵鄉里老阿
田驕飯同飽香共燒莫懊惱如絲飄莫怪詫如珠跳
須志一勿心搖夢魂穩神理超言會忘境奚器從旦
夕滴芭蕉

夢遊仙

層城縹緲列仙樓夢共虛教住上頭渴食王泉饑食

束古鏡不知人世有春秋

清明雨中

雨絲烟柳已清明
恰恰蕭聲叫賣
錫繞郭花隨春意
開連山氣合海雲平
一盃麥飯空殘壘
千古驂魂自麗情
去去不禁年老大
儘收筋力事耘耕

清明喜晴

到處迎神復送神
笙簫吹徹太平春
花棚小幕城三里
火樹高燒月一輪
對景難禁年齒長
逢場重惜物華新
天公况亦歡開霽
豈悟作錢作主人

戲題詩稿草後

年年破費水無窮
歲歲推敲白未工
本少師承孤受
物授多慚野戰時
西東王楊敢擬當
時體李杜空思

後日功但屬杼滾兼撥悶何知托雅與揚風

清明後作

寒食清明百六過堂堂無奈黑頭何濁醪屬我年非
少春水關人日又趨千樹花悲陳迹遠一垣貉感故
交多而今倍自憐殘客共判燈筵發浩歌

山行

得得支筇踏屐行春山如笑引遊情百年老樹參雲
暗千載荒坟入土平杜宇恐人忘故里東風憐我助
新晴及時行樂宜須蚤莫待花飛片片輕

經過乳母曹媪壑

少小躬提抱進懷涕欲沱青山憐土淺白髮憶思多
壽偶符任母心終愧老坡未能如禮數流恨滿山阿

春晴

萬花飛盡綠陰濃到處樓臺積翠重嫩日照來晴候
閃輕花吹入夢惺忪香銷樹絕依依蝶窠熟園稀箇
箇蜂自念晚窗春思健掩關未肯向詩慵

春雨

霧重連雲入海長雨深空悵落紅香鴛鴦夢冷桃花
水翡翠巢寒薜荔牆烟草自迷盤馬路酒旗遠濕聽
鶯場玉溪即是久幽思那向西溪詠夕陽

登隆山浮圖

浮圖萬古俯江干，獨自凭高拓望寬。
潮撼海門龍夢破，雪迷雲蕩雁聲寒。
遙村綠轉春無際，近市烟重日欲殘。
誰識千秋詩興發，上頭拍徧佛家欄。

六兒患添夜中不寐作

嬌兒患添驟難調，舐犢情深坐此宵。
夜短真疑熟羊脚，愁多直似湧春潮。
殘更易聽蝦蟆亂，好夢誰將蛺蝶招。
起就月明烹翠茗，滿腔刺促笑都澆。

萬綠山房卽事却寄

滿地琅玕掃夕陽，紅塵隔斷境清涼。
山情不似雲情

幻世味何如睡味長春韭秋茄敦古樂五風十雨譜
時場年年相與析無恙拚共人間醉萬場

西溪

兩邊樹合叫釣輶坐愛西溪春事幽塵慮盡隨流水
去此心端被白雲留輪鞿跋跋誰知命稼穡艱難自
有秋暫向酒家貰殘醉柚花斜照共悠悠

春夏盡夏初綿雨不休偶讀湖海詩傳即用第

三十九卷中鍾明經卽事咏懷偶成四首詩

韻

萬樹風生雨繞林峭寒終日故相侵每憑濁酒開懷

抱惟愛流泉奏筑琴浙漉幾迴更歲籥蒼茫空自和
 蛙吟誰憐鶴骨難支瘦冷落登仙一片心
 神山縹緲憶方蓬夢斷寒雲落莫中已分此心銷竹
 素何能深契托梧桐依人絮 憐飛燕愧我耽眠類
 蟄蟲但念半生了無補徒教覆幬累天公
 極望江村竹樹清斷虹挾雨貫春城樓臺到處黃鶯
 濕島嶼依然白鳥明前度桃花深小劫上番筍事重
 闕情逍遙不出三間屋那怕鷓鴣杜宇聲
 非關風雨罷登臨筋力由來負向禽且喜蕙蘭多被
 晚還看松桂漸成林乃知不俗即仙骨焉得無情悟

佛心少乞烟雲分
供養儘將遊記讀
分陰

夜中大風雨歌

迅雷掣電轟半空
役雲暗黑迷西東
山下衆犬嘯不
吠漫天風雨奔如瀧
此時萬戶俱屏息
夢魂魂兮魂
夢夢惟有野人秉
燭坐小樓獨聽意
氣雄豈是銀河水
倒挽沸騰澎湃爭
洶洶遙想四山應
似洗蒼翠紫
綠交鮮濃或如笑
冶或如滴可惜夜
色昏冥濛若彩
白日拓兩眼好奇
寧減樊川中宵獲
落類失意抱
雌守黑將毋同
那得豪情邁韓孟
下上追逐歡雲龍
或者竊似松陵老
門奇聯賞開元中
不分關門學處

子男兒真笑可憐蟲四壁花幸實盡結閑情庶免愁
飛紅曲任一莖二莖竹枯中半死半生桐忽又斷崖
砢訶響令人幾欲怨天公凡木偃折那暇管只恐吹
裂千年松餘寒斗峭突入內催人肌骨披衣重甕頭
燒香喜落甌柚花香氣浮泥封庖厨愧少下酒物燃
箕煮豆休疑攻平生萬障總機械浮沉直坐無心窮
回頭却自悟癡想貪緣若斷嗔何宗崇朝兩本山澤
氣數之所在天無功功尚不受過誰受矣虫妄念焉
能通不如依舊還故我一口吸盡玻璃鍾角角柵鷄
鳴不已滿山風水和菴鐘詩情猛傍醉邊發展紙磨

墨聲隆隆若然長嘯欲破壁屋漏亦向硯中滴

偶至南山最幽深處石壁峭立上多字跡想古
職名者流遊此題記惜地僻年遠皆為苔蔓
所湮風雨所蝕不可識認辨玩久之慨然成
詠

佳山不識山毋乃將山茂半世孤山情形骸負雙履
此日興偶標扶藜恣遊歷人力所不通勇往思飛錫
心真芥子超境恐桃源隔曲折屢迴旋葱青突面壁
拔地聳千尋平空橫百尺直是山靈心厭踞將人辟
籐纏卷修蛇苔澁深積鐵喧還飛紅泉罅更蓄紫薜

攬新暢壯懷尋異資眼力隱現露端倪模糊見字跡
緬想古騷人獨具山水癖春秋攜朋儕深邃縱搜剔
笑類當陽癡紛紛書大筆狂翻赤日車巧斲碧山骨
欲令未來人到此知年月奈何山無名坐使姓氏滅
呵護少龍威保持無帝釋可憐熱中腸冷落一片石
後起愧吾徒紀載空簡冊辨認重吁嗟逐例同銷歇
天地自久悠山海終不絕哀哉白石斑爛盡無人惜

招提齋侄小飲

兔走烏飛日日新種瓜種豆總前因百年會慰幽憂
疾千古終懷歷落人富貴浮雲何敢擬詩書麴蘖且

相親一尊待爾來同醉小證逃禪自在身

戲題齋壁

不寒不煖禪高眠夢斷花邊更鹿邊茗椀自修清淨
供燈藥常結妙明緣平生懶拙心何悔蓋世勳名遇
有然那復輕軒和與阮癡錢癖履總千年

雨後

勾勾雷生萬里陰暮嵐朝瘴共深沉花花盡換春風
面草草難忘舊雨心懶扶兔園汗鷓眼時求銅片曼
龍吟芭蕉喜徧牆東綠笑待題詩濕不禁

春莫遣興九言

正月已破二月却花朝三月又半穀雨興徧饒到處
秧田綠濃披綠毯誰家燕子紅溜陽紅綃乍雨乍晴
天時渾不定輕寒輕煖衣著最難調門掩梨花待人
人未至春傾麴米帶醉坐吹簫

言懷九言

勞生逐逐萬古盡如泡馬能不食長繫似懸甕且挾
短筇登山復臨水旋呼兒子載酒與行庖清風明月
自來那用買沒骨無心隨意好烹魚莫道今年花事
闌珊蚤須知春色尚在海棠梢

小園初夏九言

清陰滿屋漠漠夏初交小園自有不用別誅茅閨添
四月小駉梧桐葉春殿萬花香傳芍藥梢戀戀夕陽
想從何處落紛紛新燕如定那廂巢野夫懶拙心未
識奇字龜龍煜煜一任相詼嘲

初夏夜詠九言

鄉村地僻夜氣靜喧譁藤蘿月上光帶畫樓斜小圃
春深色老千頭橘官田水煖聲高兩部蛙胸如與可
笑藏何許竹腹似盧仝真受幾多茶青山悄悄獨對
支頤坐推敲新句未肯夢梅花

雅山本趙墓地也不知何時易以今名偶讀林

齊山先生別業詩慨作

趙墓當年豈趙家，齊山心事寄無涯。
而今故址荒涼甚，那覓冬青一樹花。

雅山四賢詩

周侍郎

侍郎海岳姿，特立見古道。
進退兩不阿，邪佞跡如掃。
風骨仰稜稜，疏表惜無考。
歸然五百年，寂寂孤此老。
古墓淪山根，殘陽照蔓草。
麥飯感清明，子孫竟誰保。
坐傷麟炳文，百卷銷梨棗。
人傑與地靈，哀哉愴懷抱。

陳安撫

宋有陳進士姓氏列武科云是雅山人志乘諒無訛
安撫瓊完地未知政如何文獻無所考憑弔空薜蘿
當其未遇時志氣應峩峩當其既遇時榮名非坎軻
奈何等草木埋沒悲山阿乃知三不朽稽古欽言多

林架閣

橫陽最爾邑僻在東甌東何期山川間靈秀氣獨鍾
維昔宋元交挺然生林公公也心趙氏擇居吾里中
雅山即時悲宋陵寢發掘愁潛龍天生同志友冒死
趙舉瘞幽宮幸免雜牛馬骨築浮圖雄三復冬青什肅穆
仰忠風

呂御史

桓桓呂御史宦成返粵東治績奏循良不敵歸興濃
言臣有老母表請明光宮一旦奉板輿建第雅山中
兄弟五六人歡笑聚首同怡怡無間言事紀豐碑豐
緬懷怡光月曾照鐵石哀只今對銀杏猶如沐清風
怡老公別業亭名也第後銀杏樹
尚存故老相傳謂公手植物

登西山佛閣

宮堯佛閣俯諸天簾捲西山景獨偏夕靄溟濛迷雁
蕩春潮漾漾沒蚶田碑殘剝落知前代樹老空腔識
少年笑語同儕休惜醉村醪好貰杖頭錢

擬行路難

君不見天上月朔易圓兮望易缺君不見谷內風雨
難測兮陰難窮人心自古皆如是何况結交年少子
一朝失意杯酒間白刃相讐等閑爾嗚呼行路本無
常覆雨翻雲兩可傷誰肯笑言當晏晏此時蚤已伏
羊腸

山中納涼

不受微塵染涼生夜若何天當明月滿樹送好風多
氣焰憐螢火心情作井波且尋行樂趣隨意命紅螺
坐唱江南好幽光不覺還瓜寒分夏半簞冷占秋先

野露披紅稻池風散白蓮何須逐漁伴去攬鷺鷥眠

夏日偶述

不用重營安樂窩此心恬處別無他三三徑裡夫真
近六六時中夢果多計左已從夫婦拙兒群難得弟
兄和自慚意氣終如舊百尺何能一寸磨

流年

雲和日燠意偷然事不如人不獨錢擊筑行歌將進
酒吹笙坐譜小遊仙雞從風雨孤三唱夢自春秋足
一椽莫道好詩成癖痼那知借此遣流年

端陽前三日作

端陽將近雨連天小醉蒲觴感少年五月裘披憐骨
瘦三生石在梅絲纏愁來欲化拖腸鼠夢去疑同同
脫殼蟬非是徹頭無一戀誰知戀極轉超然

端陽前一日作

端陽時節雨綿綿社鼓爭催競渡錢盡製香囊傳辟
惡齊分綵纓說延年蒲隨艾綠登蓬戶酒浸雄黃瀉
藥船笑看榴花紅似火風流不復擬新篇

邇來

邇來踪跡類狂顛歌哭魚端笑淚連畫虎誰斷新息
狗飛雲獨愧魯般寫法叅那悟無生忍家累終成有

漏禪不必囊空羞趙壹攜朋且共詠荷錢

端午對酒作

此時只合作劉伶休向湘纍辨醉醒千古魂魄終獲
落十年親友易凋零鏡中髮欲殊前黑樓上山憐似

舊青何幸生花無妙筆免勞輾轉擬騷經

有續離騷反廣離騷反

離騷反反離騷
等作

夜中不寐向婦索酒共飲達曙作此戲贈

夜如何其百慮收酒星炯炯明西樓渴羌吹燥腸斗
癢搔爬那向麻姑求起傾瓶盡流中葛發藏豪想坡
翁謀綿林磧碎呼鄉里一夢驚覺遊仙遊披衣索燭

笑索鑰紅泥封螯言深留謾誨非關恐臣朔拜跪庶
免兒曹偷相將挹注試杯筍香氣蚤催大白浮剔盡
殘煤未甘寢與君坐酌風颼颼百年三萬將近半鷄
情鶴思殊溫柔一懶一拙生死並焉能刺逐追時流
何若換此長夜飲醉中萬事俱拚休況且涉世不知
務乾餼箕箒從悠悠宿具深願向空祝人天各各消
怨尤不欲世世爲夫婦亦不世成仙佛儔但欲兩身
交化石風清月白同千秋

與內閣話頃請綴其語作答遂信筆戲書

酌酒勸君君莫憂與君俱是無懷儔人間事如畫人

意天柱亦不折不周屈指百歲古有幾何須遠作千
年愁憶昔來相君家室疑信得半叅思仇春風長養
兩何力此闕大造非人謀祇今六男更三女勞悴敢
作鳩盤咻歡情此生惜君擱婚嫁畢到雙白頭或愚
或魯或聰穎性從所好殊箕裘士農工賈各一業免
致游手隨嬉游富不可求命可俟團團一室交躬修
八龍五桂他人事松柏何敢望培婁不如種秫釀美
酒外小迴天地入糟邱竈下鑿鹽兒會管堂北滄髓
吾能饒萬緣得過且須過不必鍊學參軍劉生則同
衾死同穴化石化土皆千秋在天比翼地連理癡想

獨爲唐王羞若使長生自古有此樂終舊歸來鳩堪
歎四紀爲天子如何農桑忘女牛尚論雖非婦女事
爲君下酒當白浮却顧兒羣累教督是公是婆將誰
尤一笑把盞姑且置由天由命人馬由煩君手筆替
我答休似小家言語偷家風銅琵琶鐵板在好續大江
萬古流

池上偶成

萬樹斜陽帶暮蟬風涼倍覺境超然不衫不履形俱
逸何慮何思夢亦玄百歲待傾無算爵千秋行作有
情仙乃今笑與山靈約一洞天居五屬年

考工記合
甲五屬壽

年三百

燈下觀書

好古何須雁足鎧
開編且對短長檠
形骸自覺當宵
逸氣味誰分外物
清不是此心偏
觸熱由來中歲易
忘情虬松况過龍
皮扇浩浩鮮麤徹
骨生

鮑平君表叔有吳穀人集留庾椿處久矣昨札
詢始遂披檢瀏覽間反戀戀不息有如將別情
愈難忘而自問胸中竟碑同没字乃悔書不
負人人其負書實甚何因悵然題二律於後
以還之

不是書淫者緣何久不還
一言完趙璧千日補刀鏐
鼓腹憐烏有撐腸笑等閑
三癡雖好事終愧此身頑
一代文章伯風流本宿根
意成多寶塔詞蕩少年魂
俗子難醫俗村夫那免村
但憐相處久臨別可無言

風閣長吟涼蟬答樹宛助逸情不可無作

偶爾吟聲發涼蟬答樹喧
怨銷鬢女曲駘結楚臣魂
外物清誰契居高遠莫言
神仙如可得蛻舉請深論

池上

雨止微涼生竹風媚清漣
空山絕塵事靜趣類枯禪
於時當霽景幽賞知誰先
兩峯秋色落暮色深蒼然

眾絲正病早一洗迴光鮮有如采薪憂遇醫興勃馬
曳履過鄰父老瓦歡留連豆棚話洩洩瓜瓞歌綿綿
回念流光急蹉跎踰半年所值無故物相逢多新阡
鬚眉難久黑人事易變遷夕陽如有意戀戀高樹顛
不奈烟翠外斷續催涼蟬却顧半規月蚤已懸天邊

溪上暮吟

暮色來何處蒼然漸近坂樹含新月曙鐘扣白雲秋
遠鳥投林急涼蟬報候稠溪光憐早斂不照北山流

觀雨

海風如山雲如馬天公大笑雷公啞雷公怒發鞭阿

香隔逐雨師將雨灑突疑萬騎蹴踏馳勢欲破山響
振瓦又疑鐵弩來道飛射入疾似馬陵下駭然非怕
蛟龍鬥黠爾只愁杭裊驚心未定見珠跳幻光那
向荷盤把俄頃又作遊絲遊片片隨風亞綠野有時
暗捲入空去濛濛散作香塵惹忽然耳根怪響發乃
是玉龍掣金鎖條條飛出水精闕界破青山色朶朶
等閑置我雁蕩間此身如對芙蓉坐只今卽作龍湫
觀安識三生非尊者但憐宿昔癖烟霞遂致芳洲孤
杜若懶畫羔魚伏臘場從人酒醉雞豚社幾回壯觀
阻空山幾奇情違越舸已分神仙脈望虛徒勞景物

詭
喻麤寫夢寐悠悠老故吾鬚眉落落成今我圖中有
女豈吁真屋外無園空號且烟雲過眼總成空富貴
在天何非假燕去鴻來歲易更山高水遠知終寡且
喜清風颯已秋還看夕照殷於火蟬鳴高樹占幽多
柳蔭小池拖翠鞦一涼真覺滿東甌幾點送誰歸大
雅青雲白雪本難緣敢道瘦生同飯顛壘鹽管理付
妻兒此意云云无可收拾心神紙帳深梅花夜夜
招宜樹

新秋夜詠

大火西流夜未央河明依舊向人長秋風着樹催蟬

老曉月懸空照簾涼壁上琴孤山水曲池邊酒泛芰
荷香年年笑煞牛兼女不把溫柔換醉鄉

秋聲

欲識商聲起先聽萬壑風音如叅律呂氣獨感梧桐
瑟瑟斜陽外蕭蕭落葉中金戈馳遠近鐵馬答西東
攬夢仍逢月鳴秋更有蟲響傳河漢迴寒散地天空
但覺生幽想何知動別衷尚懷老歐子夜讀對癡童

秋色

不咏三秋色那知造化工氣分天地肅光映澤陂空
露欲遲遲白楓將漸漸紅蕭條開眼界颯沓老梧桐

到庋來何處蒼然望不窮
共憐飛鳥外難盡畫圖中
染豈勞青女書應待塞鴻
如花當二月夢好倩雲通

七夕即景

萬古相傳會女牛
微雲河漢兩悠悠
一村瓦擊填橋夕
何處針穿乞巧樓
梧葉幾飛金井露
月鉤空映玉繩秋
無能但喫筵前果
鬥取兒曹笑不休

懷人

坐惜如珪月懷人
寤獨歌關河秋色遠
枕簟夜涼多響
感衝雲雁飛
憐附火蛾雙魚
終會達不奈
歲華何

雨望

浩浩水風醒程川長入望冥雨連闕樹黑雲斷海山青
遠浦時聞雁明河忽見星誰知累月旱那乞草堂靈

蚤秋漫興

秋山滴滴白雲飛望斷斜陽翠四圍計足稻梁新雁
蚤心驚風物暮蟬稀拔毛世盡楊朱數摩頂人誰墨
翟幾坐送勞生塵滾滾素絲岐路未全非

西村晚望

涼秋景物實悠哉况復西村霽色開風樹暮蟬踈欲
斷社菓離燕去還來浮嵐暖翠看重疊白露蒼葭憶
溯洄半老年華筋力懶賞心待醉菊花杯

秋園夜坐

冷露落無聲
風松入坐清
孤雲天一角
古戍夜三更
好事從人力
耽吟且此生
月光正幽映
未可負杯鐺

月夜泛舟

南湖誰唱采菱歌
遠引幽人喚奈何
買得瓜皮新艇
子空船佇載月明多

西風吹墜月如毬
兩槳平分各自流
繞岸候蟲聲不歇
波光冷浸碧峰秋

九霄露下夜涼生
曲渚紆迴信艇行
却恠青楓烏桕
樹未紅先自作秋聲

秋響颼颼月正中
水天閑話萬緣空
沿洄煮罷新茶
了一縷煙浮黃篋蓬

瑟瑟秋風樹影疎
微雲河漢雁來初
泊舟獨羨漁家
樂炊火鮮烹巨口魚

碧煙渺渺水瀾瀾
溯盡溪源泊岸垂
最愛南山清景
好舉匏更與菊花期

殘荷尚繞澤陂香
興發良宵不厭長
何事輸他鷗與
鷺一生消受綠蘆涼

綠柳依依映釣磯
遊人乘月憺忘歸
竹篙戲撥船頭
水鷺起一雙鷓鷯飛

退

水長長灣復短灣浮生休負此心閑多情况有湖唇
月處處留人不許還

溪迴幾折轉清幽一櫂涼風送短謳盡把深情比仙
子誰知卽是弄珠遊

隔江縹緲數峯青鼓瑟難招帝子靈若得兩頭蕭管
並夜深吹與老龍聽

落月揉情萬籟哀雄雞早把曙光催蒲牢吼動銅魚
啓一路沿鐘緩緩回

送友

颯颯亭皋百卉腓送君便欲望君歸溪空有意留殘

照草自無情引別衣洞戶當秋孤月迴關河極目蚤
鴻飛買山倘遂巢由願擬製漁竿待釣磯

偶題

海上青山有盡頭拍天海水綠悠悠老夫不讀陰符
策但把魚兒釣直鉤

對月有懷

鵲繞烏啼夜未休月光漸漸近中秋香黍桂樹真無
隱冷入蘋花枉自由千里關情當此夕半生落魄替
伊愁冥冥雁逐江雲去送盡殘更尚倚樓

月夜用東坡定惠院月夜詩韻

空山雨後秋意多况復月光照清夜蕭蕭高樹涼已
歸絡緯啼殘風露下仰看河漢橫半天一白萬丈從
空瀉千古蒼茫感女牛悲歌拍徧闌干亞人生百事
且隨緣逝水年華端不借持家得得勞妻孥斗酒鳴
嗚笑多謝紅蓮新種子平池赤稻昨登雲滿舍松風
浩浩送涼聲短衣亂舞倒啖蔗欲從射獵南山邊犬
嗥如豹何知怕割然長嘯地天空那管山靈會嘲罵

次夜對月次韵前篇

洞簫吹罷鸞鶴寒萬籟無聲美清夜梧桐繞屋知秋
光待報淮南一葉下山月又與幽人斯冷光蚤催大

白瀉風流雖愧謫仙深
率易何慚老坡亞
詩情興啟不愁無酒債
臺高誰肯借
試臨流水悟前身
萬般皆寄終身歸
謝夢斷人間四十秋
坐閱古今等傳舍
却憐癡絕顧虎頭
苦戀世味如餐蔗
我非境會超囊空
但覺心虛對月怕
欲撲俗塵三斗多
異時庶免吳剛罵

醉歌行用前韻

造物無窮出清新
兔烏遞嬗成朝夜
幾日春風花怒開
幾宵秋露葉飛下
山中石人如解語
應笑瓶罍不知瀉
毋我且將學歌利
有心何敢嘲陳亞
亂山銜日難久留
流年若風寧少借
鄉村赤稻空朱陳
燕子烏

衣自王謝不須回首數繁華不必關情慨傳舍多病
難求九轉丹翁生任出東家蔗中年將近興自淡饑
寒未至居奚怕懸知萬古忘機者一文原不值人罵

寒蟬鳴

滿樹斜陽暮寒蟬應候鳴如知秋信至蟋噫報涼生

即事

掣電驅龍入混茫黑雲重釀雨荒唐適紋朱補滄田
坼木偶空奔野廟忙遠壑暗凝暮烟紫高峰斜帶夕
陽黃蟬聲樹樹迎秋急依舊先分一枕涼

詠懷

涼煙滿壑暮蟬嘶又是斜陽下學時敢向終南設徑
捷聊從竹下占眠遲女分紵縷添衣線兒荷松釵佐
竈炊只有山荆同我拙時攜稚子伴哦詩

攜友夜談遊南山

碧天如水月臨空攜伴南山適興濃當道石危披虎
豹入秋松老戰虬龍梅花夜落誰家笛曙色僧催是
處鐘未必山靈嫌俗士洞門幾遣白雲封

柴門晚眺

萬壑陽浮紫綠濃柴門待雨倚涼筇何來怪氣真成

早

閏四月朔城南濠岸
數條直上空際暮起曉滅自後始息

忽生烟

望去奇雲尚

作峰豈想飛仙騎海鶴惟思古佛咒潭龍盤餐粒粒
皆辛苦力盡田間未敢慵

雨後登樓

川原繚繞暮登樓風物淒淒宿雨收山色近隨龍尾
破瀑聲遙接雁峰秋溪溪水漲魚知樂處處涼生扇
欲愁那得此心如木石白雲紅樹任悠悠

雨後月下獨坐感詠

數點雨餘雨洗來竹柏光並無人共賞惟有月同牀
徹夜蟲鳴亂連天雁影長絕憐車笠好修得幾生忙

先施自愧未能何獨掩柴關獨歡歌終歲刺無人跡
絕一床書積鬼名多開尊那遇陶彭澤種樹還思郭
橐駝且喜妻兒烹豆粥重憐此腹勝東坡

雨望感作

雨後山雲無定姿朝朝坐望下簾遲縱橫水墨尋常
換不數襄陽米虎兒

閑詠

不是閑關僑無能且自由醫愁詩作藥避濕酒爲讎
暑退饒清氣霖過混濁流誰知鶴與蜂暗已換春秋
夜中驟雨曉起有作

黑雲壓城城欲愁老蛟夜半拔老湫有如漢向碧空
落何似鯢來南溟遊漏天直疑合小大茅屋深恐隨
沉浮那曉山頭龍尾注亂拖沙石入田流

眼鏡咏

少年愁束羈寧可刮金篦那信春秋換翻招黻黷知
常勞書細字每倚讀殘碑眼力添多少溶溶未覺衰

月夜

片片彩雲輕悠然看月生皓光連萬里清影落三更
樹靜沉幽籟山空足道情坐憐寒氣重蟲鳥盡魚聲

雨過

雨過晚涼生
開軒挹夜晴
濕蟲依砌語
殘筧繞厨鳴
缺月光幽絕
秋花氣迥清
金丹休妄想
好自縱吟情

雨中喜泉侄至聯句

踈踈暮雨逗秋宵
椿着屐相尋那用招
頭上風過涼似沐泉
屋邊水落健於潮
鉤簾對竹真瀟灑
椿剪燭論詩未寂寥
道有月波春甕在
泉相將頌酒共逍遙
椿

上留田行

上留田夫死兒殤
空陌阡援立嗣祀承
夫先門哀祚薄涕淚連
叔兮伯兮天乎天
思耶仇耶然不然
嗚呼

祝

哀哉上留田解一上留田將何使夫心平平爰議養子

妾夫靈倍分嗣子安夫先俾爾如同骨肉然子孫世

世情毋遷爾毋同室操戈鋌嗚呼哀哉上留田解二上

留田守爾陌兮安爾阡生子生孫年復年須眉目雖

變遷爾心各各庶勅旃毋使爾心如面然嗚呼哀哉

上留田解三上留田人生自古無百年一旦扶鸞遽升

仙爾等毋得情性遷我即含笑歸重泉保爾子孫綿

復綿嗚呼哀哉上留田解四上留田利令志昏人皆然

母未冷心陡遷何況羨戛亡何年逐逐那禁欺孤豚

人咽不下彼獨吞夢中之草安足論問彼何者號蒼

天三歎悲歌欲絕絃嗚呼哀哉上留田五解

十四夜雨示子侄輩

不道瀟瀟雨而今又發九桂花空自好烟月竟如緘
小閣闌虛凭深杯酒獨銜雲難披鬢鬢石盡隱巉巖
繞戍蟲聲亂連村海氣黯夜光迷橘柚秋色暗松杉
熱未捐就紈扇生仍着紵衫涼風吹健骨濕果慰貪
興豈殊庾亮招還共阮咸明當會開霽萬里驗征帆

中秋日雨

待到中秋日何期雨繞郊嫦娥永隔好節惜虛交交
翠嶂戎戎暗黃流活活湑風狂走沙石海遠鬥螭蛟

慢紀陰晴驗終憐景物拋人烟寒草樹野色老菰茨
霧閣孤春夢雲牕對鶴巢且傾明月盞休問小山坳
鴨子歌空譜鴉娘咒莫嘲一年多少興門掩負推敲

中秋雨晚作

日已崦嵫落山猶霧雨霾一年秋欲半連歲遇同乖
暝薄愁疑赴陰重悶莫排此宵孤月意何處暢詩懷
望極烟雲暗昏深水木埋陶情從濁酒寄夢賴虛齋
竹尚搖殘滴蟲還咽斷階寒光驚鳥鵲濕氣清形骸
枉憶濤如雪終憐桂似節憑誰乞仙術天柱樂無涯

中秋夜陰作

已斷^唇凭^唇牙滴歡將佇碧窗詎知風瀕洞翻助霧黠^{借音}
春黠^唇屢氣空重叠松濤自擊撞寒鷺鴻乙乙濕繞鵲
雙雙落葉聲無盡飛雲勢莫降心縈天柱賞曲感月
華腔那得剗鮫劍誰逢合竇幢陰連愁大澤霽欽憶
澄江擬議煩毛穎超陶倚翠缸倘能中夜見鍾約寺
僧從

夜半見月喜作

風泉滿壑道心清喜更雲消月照城萬里山河塵不
起九霄鸞鶴夜無聲誰家院落笙歌鬧幾處杯盤得
喪輕我自愧吾非惠子徒將遠曙費詩情

十六夜雨作

既已來三五緣何二八慳
廣寒仍自閉丹桂竟難攀
雨氣迷千島風光卷百蠻
雲空吹玉笛月總負刀鏹
象緯藏何許山河隔等閑
漏天誰會補愁夢我終刪
句續泉聲裡茶烹暮夜間
烏啼從濕樹鶴怨任空山
坐送微微缺行期緩緩還
依然一尊酒留看待江關

悼侄婦某氏

月缺花殘慨逝波紅顏命薄奈伊何
堪哀鶯子無三月共感憐夫到百痾
前業難消天女慧此情那制阿咸多
老夫雖少香山筆念爾窮愁替爾歌

題寧國寺

雜沓青山繞寺門十年重到佛無言
蒼松得勢生鱗鬣翠竹凌空長子孫
谷暗戎戎紅葉露巖深曖曖白雲屯
晨鐘暮鼓聲依舊未識人天若箇存

謁拜先塋愴然感咏

拜罷墳塋淚暗吞
兩家三向恨難論
伊誰不肖甘偏僻
我自無聞愧子孫
寺近那禁鐘鼓響
門衰何補烏烏恩
松楸且喜枝柯健
盡解凌雲蔭本根

中秋前後連雨不休率成四律以排悶

欲將高興盡人道
獨清秋那曉風兼雨
能生別與愁

沈
蒼茫空日月颯沓自林邱
幸喜新紅熟珍珠滴不休
莫怪耽秋月相孤恐隔年
既成千里共何惜一宵圓
達曙吟聊爾連雲意颯然
誰知風雨合依舊暗長天
冷翠氣濛濛樓臺濕不通
風淒屏嶂峭木脫蛋鄉空
淺水留殘芰遠山媚斷虹
白雲千萬疊那見廣寒宮
徹夜蕭蕭下停盃惘惘時
難將長劍劃枉把短簫吹
燭影搖紅小茶烟捲綠
遲魂銷雖已矣終擬九秋期

陰雨連句再用前韻

漠漠連旬雨瀟瀟却送秋
似將騷客恨頻入夜窗愁
七竇誰修戶三成枉號邱
神仙非不欲白髮那禁休

倏忽重陽近秋高又一年黃花憐未放皓月悵空圓
夢寐連蕭瑟樓臺重黯然悠悠赤藤杖鎮日倚江天
蓬蒿三徑滿賸許白雲通舊雨穿簷暮新苔繞榻空
機忘棲樹鵲彩徹飲溪虹遠愛流匙稻青遮五畝宮
酒濕愁難遣蒼茫坐詠時蕉殘仍滴漉楓老任噓吹
際霧帆沉遠沿雲雁下遲堪憐清淨境誰與話襟期

對雨感懷三用前韻

悲歌君不見杳杳隔三秋葉落江楓暮天寒塞雁愁
無人同水厄有意築糟邱豈以生涯拙相逢肯暫休
一別情無那相思忽歷年松看千尺長月負幾回圓

此去誰知己重來竟緬然川原望不極暝色合遙天
小閣愁如織長途夢不通鐘聲流壑冷石氣入天空
劇飲思吞海高吟憶吐虹迢迢憐契闊枉自譜傷宮
獨坐仍風雨幽懷莫訴時秋花空自落玉笛更誰吹
尾雀投簷數炊烟出戶遲何當聯榻話重結碧雲期

九日池上獨酌作

半斗清醪半濁漿秋池獨酌引壺觴壯懷久絕風雲
氣幽賞難忘鱉菊場萬古依然此山水百年到底幾
重陽蓬蒿滿巷連斜照一笑亡何入睡鄉

自和前韻

不必高風學賣漿東籬且醉菊花觴筋疲懶煖登山
脚味足思進種菜場幾度省黃憐宿草無端木落慨
重陽年華老大孤知己那乘白雲歸帝鄉

重陽後坐雨

既已重陽過何妨風雨多看雲聊下榻對菊且高歌
葉落從迷徑魚遊自躍波此心歡不極那問日如何

自和前韻

暮雨空山冷蕭蕭落葉多愁心難遣醉仄調不成歌
草暗秋池夢風寒古井波翻嫌如是佛只問意云何

小閣即事

退

滿閣山風釀峭寒
兔烏那禁似跳丸
浮沉只可狎魚
鳥話笑憑誰輸
肺肝鑑外年來兒
女逼杯中境作佛
仙觀茫茫慧業空
今古不把茱萸仔
細看

秋感

西風滿壑響颼颼
落木無邊坐感秋
到瘦骨肩寒不禁
先人蚤已着羊裘

紅樹

幾夜飛霜散碧空
渾勞青女染丹楓
迎來紫氣仙何處
望盡紅雲夢未通
豈有珊瑚爭掩映
從教橘柚鬥玲瓏
而今準備新詩料
不使斜陽笑不工

暮雨卽事

暮雨畫眉啼
俯俯醉似泥
菜招浮客種
書付散人批
樹葉從飛盡
雲峯任壓低
只今齊物論
悟徹不須齊

西堂夜望

霧月蒼茫遠
抱城溪田穫
盡露縱橫風
吹曠野寒初
峭雁度虛堂
夢未成遲菊
清分高士賞
敝裘戀等故
人情出山泉
水知多少都
付潺潺徹夜
鳴

村西晚望

愁來往往欲
逃禪且判愁
心向酒邊喜
值水鄉菱芡
熟還逢秋圃
棗梨鮮山嵐
變幻勝圖書
瓦屋棲遲卽

洞天不見呂家鴨脚樹空腔始歷許多年

西樓暮詠

高樓日暮捲丹經小倦尋詩眺杳冥村樹遠浮烟際
黑島雲深漬雨餘青多岐不識三叉路利涉何如一
葉舲但喜兒曹新下學溫書重踞竈觚聽

新秋夜霽

雨餘天宇涼秋生遠近山梧桐葉已落桂花枝空攀
雙足踏木屐亂破莓苔斑於馬獨行謠溪听沿彎環
微雲浚河漢冷露零榛菅缺月吐遙夜幽光映巖間
松竹色窈窕石泉聲潺潺如遊仙佛窟頓頓忘疲頑

性命付杯酒身世從等閑
永懷魏晉人一笑相往還

雨望

滿壑雨紛紛昏鐘偏耳聞
此時憐暝色何處問斜曛
遠屋圍烟樹荒陂隱水雲
高風餘蛋浦誰可繼孤耘

輓周合甫

父邁何堪遽返真翩翩感爾倍愴神
非惟李杜敦交誼况復劉盧是世親
十載終憐隨燕雀千秋豈果祀
頑嚚只今盡道精魂在可悔黃金枉結人

戲答

若問我生涯茫茫只在詩
幾能將佛供終懶乞人短

經世乃孰樂會心聊自怡五言傳鼻祖或是子卿支

秋夜雜詠

萬山圍峭暗摩雲月色微茫望不分夜永梵音沉寺
遠秋高松氣向人芬寒蟲切切皆鳴候斷雁嗷嗷獨
索羣却顧此心清未極敢言天惜妙香聞

贈永嘉彭表舅父

共是餐烟客由來適趣同渾忘牀上下何問屋西東
時在予舍壽竊神仙比才難造化通能堪與他年如意
兄弟之學得不數可憐蟲

偶成

葉落梧桐歲未收
微雲河漢入窗樓
那知幾陣黃昏
雨
贏得風泉滿壑秋

村居雜興

踈踈拙拙且行歌
不對青山喚奈何
但向酒尊拚累
月寧將筋力殫
牽蘿物如適用何
憂賤才若逢時那
在多只恐此心修
未盡古今無術繫
義娥

戲用韋蘇州韻

落落苦無徒言訪
村中客共持青竹竿
遠釣深澗石
樵響發空山
斜陽澹將夕
一笑却歸來
悠然悟陳跡
集選與友人攜酒遊西山

登高臨四野

阮籍

山水含清暉

謝靈運

攜手共行樂

謝靈運

鳴猶未歸

鮑照

勿言一尊酒

沈約

得與故人揮

范雲

借問蟬

蟬輩

郭璞

寧知鴻雁飛

謝朓

對景

山山暮色重對景寄吟筇雨細滋殘菊風高遞遠鐘

古今真蜃氣來往盡萍踪好把光陰惜甕頭春正濃

物外

物外寄閑蹤雲深人不逢坐着流水急行數積苔濃

滴漑仍風雨淒自柏松長房何處覓空憶葛陂龍

與永嘉彭表舅父對牀夜話之餘因憶十齡時

侍先外大父至甌卽寓舅處舅長春三歲相
與嬉戲恍然如前日事也遂綴其語作東甌
好數闋以紀之

東甌好夜榻記當年不識不知如木石無愁無悶似
神仙此境尚依然

東甌好九曲巷中居白石岬瀕紗帽水朱紫竿引錦
鱗魚此樂憶何如

東甌好共上揖拳亭斜日遠翻孤嶼白斷雲伍接括
蒼青坐賞酒雙瓶

東甌好小住小南門朝看水閣爭舴艋夜遊燈市散

餽飽卅載感銷魂
東甌好攜手上河橋
青雀舫傳遊子曲
綠楊樓隱美人簫
魂小笑休招
東甌好握管不勝題
紫燕黃鸝空下上
桃花流水自東西
舊事蚤拚齊

夜坐遣懷

斷雲踈雁叫江干
底事愁呼遣便難
夜久沉沉秋入夢
山深悄悄雨生寒
雖憐性拙如陳仲
敢委囊空似范丹
但得一尊伴幽獨
楚然相對不留歡

雨後不寐

木落山空夜氣清
寒飈遠送漏三更
無端夢斷瀟瀟雨
靜聽潺湲坐到明

送人

去去情難別
悠悠恨莫支
且將貧賤耐
休忘鬼神知
道重君非拙
囊空我自悲
堪憐無限意
盡在不言時

坐雨

可憐風雨晦
危坐聽雞鳴
水亂千巖曲
燈寒一榻橫
霜林黃葉盡
瘦骨敝裘輕
敢謂無知己
終深尚友情

南樓曉霽

霽月斂殘雨
曉星明滿天
亂鷄啼不休
連村起炊煙

石橋迴柔櫓人語雜租船溪光涵霜氣冷風吹蒼然
回首見海日楓葉爭鮮妍多謝樹上鳥啞啞聲纏綿
詩情將畫意令人懷米顛尚愛北山北稻孫青滿田

夜霽

霽斂夜墟晴繁星入戶明霜飛寒氣重葉墮野風輕
地僻人孤立天空雁獨橫悠然際真相物化聽吾生

暮眺

欲遣愁無際蕭條對落暉山寒空翠重樹老冷紅稀
萬籟隨緣息孤鴻逐影飛遙看蘿外月漸喜近人衣

曙

繞屋雞啼亂連山曙色開風將寒信至日送煖光迴
碧海黃雲遠霜天畫角哀誰知溪畔樹已放一枝梅

城樓暮望

何處河洲有雁聲危樓孤凭不勝情日斜海上雲平
島春到梅邊雪滿城望裡易愁家累重年來多病道
心生堪憐咫尺丹牀窺不得仙翁挹袖行

自鄰村觀劇歸

一天跌蕩星光燦萬樹蕭條夜有霜滿野燈飄雲母
冷連田水浸稻孫長不論院本興亡案聊逐叢祠報
賽場興發那知年欲盡歸吁缸面索人嘗

登樓有懷

木落露孤峰，凭高散別踪。
江湖仍見雁，風雨獨聞鐘。
好夢何難續，良時不易逢。
衣裳端在笥，知懶憶芙蓉。

雨夜自西村歸作

夜自西村返，瀟瀟雨色淒。
路迴山角滑，雲壓帽簷低。
眼眩風中燭，衣沾屐外泥。
遙看松霧重，笑恐草堂迷。

答人

本屬愁無賴，非關好作詩。
酒醪深醞釀，烟火老爐錘。
夢覺吾何覺，生涯此是涯。
寸心千古在，容有子雲知。

雨中雜題

臥雨

黯黯江村雨蕭齋夜臥時寒燈明短榻布被入支頤
夢冷何須續山空有所思殘年添別意濕恨曙鐘遲

坐雨

雨入空山暮秋風閉戶時棟紫氣細簾裊篆烟遲隱
几靜看奕買春閑賦詩蒼苔深及榻終守老聃雌

對雨

霧雨高樓暗蒼茫靜對時遠峰沉鐵色寒水長冰漪
漠漠帆迴重冥冥鳥去遲海天想空濶妙際總催詩

聽雨

獨坐心蕭瑟，寒更聽雨移。
暗添巖溜急，清亂葉聲遲。
氣並涼飈逼，喧疑鐵馬馳。
年深春夢近，翻恐杏花知。

夜中聽風作

來無邊際去無窮，半夜西吹半夜東。
樹葉遠飛三徑冷，梅花新落五更空。
離心不識隨蓬轉，壯志何知擊水同。
但自鍵關還下幙，惟愁骨瘦怯寒攻。

月下觀梅

山銜北斗夜闌干，霜氣浮空月未殘。
獨愛梅花如我意，清高不怕五更寒。

曙

氣逼虛窗泠泠漏曙光鳥驚人夢破風送寺鐘忙
適意還餐菊高歌且折楊脩脩呵凍筆笑索老梅香

曉望

寒飈吹夢斷曉色斂星芒瓦上霜微白窗前樹盡黃
太公投釣急甯子飯牛忙却指松梢鶴知余懶莫非當
把酒

把酒不成醉悲歌勞寸衷三生誰可語一味獨憐窮
屈子才難繼慮生夢本空焉能時擊筑仔細問蒼穹

漫興

又是年將盡天風落木多寒初欺酒力夜更惹詩魔

不問塞翁馬何知廷尉羅欲分一枝筆積徒斫蛟鼈

夜中有懷

葉落不堪聞愁多薄夜分天寒仍命酒燭炮倍思君
得失空諸相悲歡樂我員明當梅樹下咏斷半山雲

戲贈內

鳩盤將九子老去倍相憐且作楞嚴悟何妨曲盡眠
短長兒女繞霜雪鬢雲偏好共菊新酒高歌和樂天

冬除夜作

冬除當此夜妙理我何齊白日去人遠寒天隨極佞
難窮時半子且劈蠟團臍不敢庖義問聊教醉似泥

寄友

極目寒山紫氣凝
北風吹水又成冰
新梅着幹懷和靖
獨對當門愧少陵
落照自沉孤雁外
疎鐘遠出白雲層
前身等是盧行者
寄語妻孥累未能

詠狗

一曲盧令遠射鷗
漫勞功狗共逍遙
有時逐兔隨鷹疾
何日論詩比獨驕
黃耳傳書能入洛
蒼龍生角豈成妖
尋常莫化狺狺
瘕好乞人憐
把尾搖

夜中漫咏

北風吹簷隙冰
我雙手僵欲雪
未雪天中天
人倍寒涼

孤燈擁半壁黯黯不能光
掉頭坐尋詩筆凍頻呵忙
腕冷乍不仁執弱如挽強
兩鼻嚏不止殘沫沾衣裳
妻兒恐我寒熾火來爐傍
筋邊撥煨芋壺中溫酒漿
小酌三兩盞肌骨回春陽
連浮數大白室滿春汪洋
不念年向盡翻憐夜未央
浩然湖海氣到此仍飛揚
黃雞慢催曉飛鳥啼莫傷
笑本悠悠者襲慣悠悠長
世人請勿怨聽我歌一章
乃知大拙徒天有拙主張

歲暮

歲暮山空風怒號
嫩寒加峭透青袍
孤城角靜霜初
下古社梅芬月正高
行樂坐憐楊惲
岳問天旋笑屈

原騷如今志趣超平淡但守衡門劈兩螯

冬夜戲咏

枯桑徹夜吼天風耐冷尋詩笑孰同
霜落逼人寒獨極月來當榻悟俱空
三更不寐安邁軸十指常溫賴
火籠從此論年如滿百編成何減涓南翁

月夜感懷

望遠頻勞入夜分悠悠泛泛重憐君
青山萬古一明月古木千年孤白雲
背嶂夢寒猿鶴伴殘更聲亂鴨
鵝羣新詩吟就愁俱絕凍住雙魚恐不聞

舍北閑望

送盡昏鴉返炊烟臥不飛山空寒夕照水淺露漁磯
凍犬驚船過遊僧逐月歸貪看清景迴忘却冷侵衣

倚樓

落落獨工愁宵分尚倚樓天空霜氣下地迴月光浮
坐斷雞三唱吟殘歲一週老妻將斗酒助我恣冥搜

草閣

草閣夕凭闌年殘興未殘雪通梅信息僧報竹平安
拙且隨時命貧非露肺肝懶成高臥似馬效碩人寬

小樓夜望

焰眼風霜迴孤凭夜未闌踈星垂野大皓月入樓寒

地氣回春近松心共竹安梅花如許好正可耐盤桓
月

皎皎天涯月偏生望遠愁
騷人悲別館思婦切高樓
歲序風霜盡關山雨雪休
空憐名與利照白古今頭

蟲

處我禪褊久捫殘瘡更搔天何容爾輩日竟能吾曹
黑瘦空頭髮紅肥怯血膏安能縫火浣一笑問馬逃

步月

靜賞行松徑光幽月正中
霜飈寒透骨夜氣冷浮空
側立知何有悲歌孰與同
不須憐影小且自悟玲瓏

尋詩

只爲尋詩坐何知手足寒硯連蟾滴凍瓶帶菊花乾
夜永燈初燼茶餘火欲殘戲敲冰作水煮粥笑加餐

送流人

半生不識離愁苦今日臨岐始送君萬里關河當落
照三冬道路入寒雲遙憐後會知何地頓感相思夢
枉殷且盡一尊休洒淚丈夫自古重從軍

水仙花

冰姿綽約愁俱絕淺水文沙香等閒月落恍逢洞庭
野雲寒疑接蒼梧山金支翠旗有無夢梅兄礬弟高

下班一卮醉斷情萬劫可能還憶湘筠斑

習慣

習慣何知冷迢迢每夜分吟殘霜外月臥斷暮天雲
耐久青燈在因循俗累紛持家勞婦子從此莫相聞

梅花

萬山木落地天迴獨愛梅花得氣豪有子才能調鼎
鴈無愁怨不入離騷霜中奕奕精神露月下遲遲夢
寐勞却笑何侑似和靖與君千古共名高

雜詠

把酒悲歌意不勝年殘事跡又因仍薄田半了尋常

債長夜坐全銷耐久燈兒會持家行弛擔佛如招我定
爲僧而今先與梅花約月白風清記語曾

曙詠

逼曙霜飈捲地吹嚴寒處處起炊遶遙村月掛梅梢
冷古澗冰懸石溜危凍戀巢禽皆未出春迴炭獸獨
能支哀嘶却感誰家馬老識長途反苦饑

又詠梅花

月冷風踈意浩然寒梅倚曙倍清妍數枝似雪看今
日滿壑如雲憶去年翠羽漫勞招鶴夢孤山何日結
詩緣倘能化作霜蛟脊長謝故人歸洞天

溪行

古岼夕陽頽溪西散步來水痕初露石春意獨憐梅
冷翠沉殘磬新紅上舊壘未知歡喜海容得幾詩材

梅花

眾木凍欲絕梅花獨滿枝白真無以尚香問孰如斯
有酒我且滑何才君不睡夕陽千萬樹深結歲寒知

小圃

繞徧東籬菊半乾羅浮欲摘怯微酸絕憐滿圃青青
菜露葉霜苗不受寒

偶吟

退

風波語笑忒無端聊檢身心向榻安
桑落不妨筍半熟羅浮何惜摘微酸
霜凝錦繡供高咏蜃象樓臺入壯觀
庾更五湖重泛宅臥遊終勝水雲寒

暝望

暝色連雲黑蒼茫入望賒
清愁銷竹葉細雨濕梅花
意拙難諧俗心空即出家
兒儕休弄巧湏記足添蛇

雪意

一夜北風緊寒威徧戶嚴
雲深含雪勢雨凍攔峯尖
海氣連天泛池冰徹地粘
梅花如有意先伴野夫潛

獨坐

獨坐愁空極長懸夜逼
牕既逢天釀雪何惜酒盈缸
樹葉乾無語山鐘冷未撞
明當約漁伴相與釣寒江

遙夜

遙夜惜已半幽懷向酒開
一寒如此畫三徑幾人來
月吐樓明水冰生磴滑苔
野夫心正迴山鳥不須哀

戲用

五更霜月寒鐘鳴東西寺
幽人行探梅冰苔冷侵屨
驚起翠羽啼飛入青蘿去

又用韵

夕陽頽通津寒煙迷古寺
草根踏暗澌瑣細濕芒屨

征鴻掠江飛遠逐白雲去

又用韻

山鳥曉清晨粥魚喧遠寺地上霜稜稜一白寒侵屨
蒹葭入望深之子憐何去

山中對月與友生話故人

皎皎山頭夜月寒故人相對思無端霜深望入蒹葭
冷水遠愁縈杜若殘豈信中途迷斷夢終勞尺素勸
加餐嗚嗚共恨孤城角逼促年華欲繫難

夜中寒甚漫咏

迴飈肅肅搖窗扉中夜嚴寒故作威有時雨踈兼霰

下何處梅落隨雲飛夢銷偃膊雞三唱愁絕空腔樹
十圍已判此心向詩盡惟呵凍筆擬妃旃

夜中閑望

月落半村陰踈星帶遠岑霜凌么鳳冷竹露野亭深
世事空流水長歌寄素心從他鷄唱外夢入利名沉

夜坐

莫莫冬將盡遲遲夜漸長勞生銷竹火破臘愛梅香
氣得乾坤迴鄉遊醉夢良不須歌碌碌隨處可徜徉

送友

握手不忍別悠悠意難伸况復年將盡何計憂君貧

空言終無補念此長沾巾且分家中粟聊慰堂上親
甘旨稍能供不須念愴神歲月付蹉跎妻孥良苦辛
年少容易去富貴信浮雲我才比君拙君志比我勤
平生齊所願裘屨情孔殷敢作天地憾寧爲兒女仁
相將愛景光努力修此身此後期十年笑樂三千春
獨酌梅花樹下
嗶嗶晨雞唱月梅花滿地枝橫坐醉香光雪海間君
修到幾生

集選

忽忽歲云暮

盧

不知今是非

謝惠

夕陰暖

平陸

謝明

瞻

月耀清輝阮籍眾鳥欣有托陶潛孤雲獨無依陶潛若蒙西

山藥沈約奮翅起高飛詩古

夜月佳甚獨酌梅花樹下

皎皎中天月照我梅樹枝花香既幽絕花色更迷離
霜飈掃落葉夜氣侵人衣豈不懼寒冷惟自惜芳菲
光景不可駐節序遞差馳安能同齷齪昏旦與心違
但期真意得寧憂知音稀靜境既已遇殘冬何須悲
陽春即寡和綠蟻遂歡持百年誰能保時乎邀難追
笑非王子喬空思駕鶴飛何如被布素花月常因依
醉謝人間世醺醺忘是非無事鹿盧躡乘風歸處歸

中夜詠懷

中夜不能寐，孤懷寄幽吟。
清聲動巖壑，啼鳥和北林。
澗樹迴長飈，冷冷寒氣侵。
境靜絕非想，山空多道心。
玲瓏古時月，照人無淺深。
且溫一壺酒，偷偷自酌斟。
誰能板橋上，霜跡爭先尋。

蚤起舍北閑望卽事成咏

谷幽鳥啼曙，生烟曳平林。
霜角凍不揚，響咽城隅陰。
海日照天地，靈景無古今。
殘星盡斂色，纖翳明嶮岑。
飄風西南來，弱葉落難禁。
連峰露石骨，老樹空欂櫨。
歲寒知松柏，嚴霜獨能任。
飛榮流餘津，蒼翠杳深沉。

仰瞻感本性俯諦憐人心春陽漸欲交和氣洽衣襟
四運重鱗次老少如相尋吾生終不化雙鬢雪爭侵
不若雀與雉迴環變江潯讀書苦不卓考道苦不深
卽曰帝簡在無才焉作霖愧居山水窟草間數蟲吟
非不慕韓孟雲龍誰駁駁非不慕賈李鑄佛奚兼金
獨行影踽踽杳鑿踈知音雖則踈知音寸心於此忱
偃息雙樹足嘯歌北山岑放情陵霄外仙類或我臨
挹拍肩與袖蓬萊何難尋三山縱縹緲一舉駕飛禽
回首悟故我大笑振聾暗茫茫落妄想毋乃慚影衾
曷勿素位行與人無商參有就且釀我花月相酌斟

無裒且酷我親昵休我箴抗言遺物慮靜志寄鳴琴

季冬望夜月下獨對

靜夜望明月光景燭山川逍遙恣逸賞臨風興浩然
豈不感代謝難得晴終年一年惟此月一月惟此圓
况復梅如雪幽映倍新鮮安能常端坐感感苦愁煎
放懷少林樾照影臨飛泉鳥啼不知曙山疑別有天
孤斟還濁酒獨歡更清絃誰言非金石卽此是神仙
惜無同懷客心遊太古前良辰不可再一失何能延
願化九臯鶴飛鳴凌紫烟

年殘欲盡月色逾光撫景懷人愴然感詠

天運亘回環歲時互終始既晦又交望踰午仍傳子
於焉攬日月極悟盈虧理永無纖雲一色照萬里
遠巖映深薄近澗澄寒水曠野何蕭條殘年倏云已
冬春感駸駸榮衰相伏倚小人懷齷齪計利安知止
行路險孟門結交詭城市奔走身勞勞賢愚盡如此
回首慨饑寒誰念窮巷士孤白體自溫無衣馬足齒
悠悠歲暮心家之重抱恥興文枉成篇缺憾繼難弭
天月照知之明^明愁何以富貴苟能圖執鞭力已弛而
而况不能圖出入願空爾聊復試醇醪呼月落杯底
來疾歎如違化盡怨何起舉首鑒此心千古不易履

小遣一醉中昏昏了生死

和舍弟熙諸影詩

帆影

不落蘆洲便蓼洲懸風無恙映波秋斜陽面面隨相
轉暮夜依依趁月流烟樹迷離移別浦水天明滅認
歸舟浮雲豈恐勞人望故遣沿緣帶雨收

鞭影

誰把珊瑚製作鞭一揮遙閃夕陽前絲絲暗躡金鞍
細節節光揚玉勒鮮幾處影縈遊子帽誰家香壓美人
肩章臺去去多楊柳只恐迷離眼誤穿

雁影

獨立斜陽送雁歸
何須指點悵情違
秋涵遠水憐無際
乙映寥天辨庶幾
關塞愁臨霜月迴
江湖夢斷雪泥非
人間兄弟緣何事
愧爾多欣向暗飛

雲影

飛揚雲氣向空來
處處陰生那可裁
出岫無心終蕩漾
流波不定且徘徊
九天翼漫隨風落
三徑詩空載雨催
休怪層層迷望眼
樓臺正遇小春才

同纒

菊影

西風瑟瑟滿園秋
菊影離披獨占幽
豈解琴心能自

動如招蝶夢漫言愁照殘冷月清無礙吟畫斜陽沒
不收擬續陶公籬下醉瘦枝亦亂入黃流

梅影

樹樹橫斜雪鬥紛寒風吹墜影俱芬月明翠羽招何
有霜冷湘妃幻莫分淺水枝沉真似畫虛窗夢到總
疑君斜陽遠望昏黃盡只恐和烟化白雲

花影

重重疊疊影交遮到處迷人總是花望極每愁殘照
斂陰深惟恐缺輪斜鏡中悟徹春如夢燈下吟餘雨
似麻不必徐黃雙父子寫生沒骨兩何加

感興

維冬若時寒氣乃得乎正卽云春欲交燠恒亦漸進
如何年將盡翻行三月令山川瘴霧深冷熱逆人性
終日候不齊衣著難調定忽爾淒風生忽然苦雨陣
雪霰撲人飛長塗荒泥遠寥寥歲暮情山陰興誰乘
或復放朝晴天朗如鏡煖日光熊熊疑報清和信
瘦骨却輕裘微汗侵衣潤但願日如斯寒威絕權柄
大襖展黃綿青女盡退聽無奈煖非常寒亦非常更
昨日手足舒今日齒牙競只恐翻覆間中人交致病
有來既疾速陰雲况綿亘加以淫雨深懷愁何能醒

挑燈起詠詩夜長真似閨憑誰向金仙千潭叩月印
遠借功德水洗此五蓋淨寧復慨古今空迷不知命

立春感懷

樟根香散夜樓烟回首迎春又一年爆竹如雷掀海
角梅花似雪擁牆肩驚新夢已隨鴉斷憶故心終托
雁傳悵悵聯牀風雨話何當重對白雲眠

暮夜書懷

寒燈戀戀四更餘夜氣侵晨水榭虛碧海杳無青鳥
使深山空讀白雲書梅風乍報新春早蠟屐難禁舊
雨踈屈指殘冬愁欲盡一壺且借酒消除

雨後殘冬遣懷

歲盡愁無端不眠轉蕭瑟回念少年時候忽如昨日
親故半凋踈鬢眉欲變色舊雨悵仍遙新春歡乍入
坐挑鳳脰燈頻恐雞啼疾良辰易蹉跎嘉會難再必
世事等楸枰劫殺深忧慄不獨雲雨翻而且風波極
由來人我心不同焉能一何如避黑甜此鄉真樂國
檇櫟忘榮枯雞蟲派得失茫茫今古愁萬千從茲畢
乃知物外心只此能外物且岍漉酒中毋勞廢蟋蟀

坐雨有作

等是鷓鴣借一枝何須戀戀橘中棋聽殘舊雨還今

雨夢熟朝炊更晚炊慰藉常憑十日酒優游獨訂一
年詩無能自分深山老不受人欺不受知

雨中又作

盡判膏騰抱甕眠從他歲向雨中遷幾番響急迎春
鼓連日寒深釀雪天洞壑舊曾遺世慮炎涼今復悟
塵緣諸君莫倍長輿癖省否風波總是錢

雜感

漠漠同雲蔽海深高樓孤凭峭寒侵十年不那存亡
感盡借新詩入夜吟

萬山華蓋絕颼颼節序關心逝若流賴有濁醪三百斛

約人共洗古今愁

雨曉

眾鳥凍無聲重衾失清曉寒雨尚不休瀟瀟閣林表
飛溜助鳴泉頓將幽夢攪啓戶獨倚簷群山列靜悄
細霰撲人衣宿雲白不了倏忽起晨炊生煙加繚繞

歲暮漫詠

歲盡雨纏綿年惟詰朝隔敝貉足禦冬免作無衣客
軫念卽寡儔饑飽聊自適壑鹽苟能供懶逐計然策
坐閱鄙悖徒勞勞甘煩迫奔走風雨中日爲形骸

存天地終躅躅可憐許肺肝底

惜

二

我本避人徒畏人耽靜夜長日事孤眠
卒歲樂優游不惜人代謝非敢效閉關
但憑酒慰藉終日外死生終年觀物化
彼哉何人斯覷然逞詭詐爾虞我則無
有覷將毋怕

